

मार्निंग डोगरी न्यूज बुलेटिन,

समा. 09.20 Hrs



एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै श्रुति खजूरिया :-

Headlines

1. उपराज्यपाल मनोज सिन्हा होरें आखेया ऐ जे श्री माता वैष्णो देवी श्राईन बोर्ड- कटड़ा गी साफ-सुथरा ते हरा-भरा रक्खने लेई दृढ़ संकल्प ऐ ते आखेया जे रोप-वे परियोजना कन्नै लोकें दे कारोबार ते रोजी-रुट्टी पर कोई असर नैई पोग।
2. मुख्यमंत्री उमर अब्दुल्ला होरें आखेया ऐ जे बेहतर सकल प्रदेश घरेलू उत्पाद जी.एस.डी.पी. दी बढौलत- जम्मू-कश्मीर दे दोआर-देनदारिया घटियै इक लक्ख 37 ज्हार करोड़ गेई गेइयां न।
3. रमजान दा पवित्र म्हीना अज्जै थमां शुरु- उपराज्यपाल- मुख्यमंत्री ते उपमुख्यमंत्री होरें ममारकबाद दिती- पूरे जम्मू-कश्मीर च रमजान दी चैहल-पैहल।
4. खेड्ड मंत्री सतीश शर्मा होरें आखेया ऐ जे अपने विरसे ते सांस्कृतिक कदरें गी संजोइयै रक्खना- इक समृद्ध ते खुशहाल समाज दा आधार ऐ।
5. 6मीं राष्ट्रीय रॉफ्टिंग चैम्पियनशीप डोडा जिले दी शिबनोत थाहर चनाह दरेया पर अज्जै थमां शुरु होआरदी ऐ।



LG-Katra Livehoods

उपराज्यपाल मनोज सिन्हा होरें आखेया ऐ जे कटड़ा च जारी रोप-वे परियोजना ते होर ढांचागत विकास कम्में करी मकामी लोकें दी रोजी-रुट्टी जां कारोबार पर कोई असर नैई पोग। उंनै जेर देइयै आखेया जे श्री माता वैष्णो देवी श्राईन बोर्ड इस इलाकें ते इलाके दे लोकें दे सामे ते पूरे-पराते विकास लेई दृढ़ संकल्प ऐ। कल कटड़ा च श्री शंकराचार्य मंदरै दा नीह पत्थर रक्खने परैन्त पत्रकारें कन्नै गल्ल करदे होई एल.जी होरें आखेया जे श्राईन बोर्ड नै कटड़ा गी इक पूरी चाल्ली स्वच्छ साफ-सुथरी ते हरी-भरी नगरी दे रुपे च विकसित करने दी जिम्मेवारी लैती दी ऐ ते एहदे लेई कम्म तेजिया कन्नै चलै करदे न- पर एहदे कन्नो-कन्नी इस गल्लै दा बी पूरा ध्यान रक्खेया जा'रदा ऐ जे लोकें दी रोजी-रुट्टी जां कम्मकाज पर कोई माड़ा असर नैई पवै। उंनै आखेया



CM-JK Debt

मुख्यमंत्री उमर अब्दुल्ला होरें आखेया ऐ जे जम्मू-कश्मीर दा 2024-25 आहले माली बरे दा कुल दोआर ते देन-दारियां इक लक्ख 37 ज्हार 67 करोड़ रपे ऐ, जेहड़ा जे केन्द्र शासित प्रदेश दे सकल घरेलू उत्पाद यानि जी.डी.पी. दा 48 प्रतिशत ऐ- जेहड़ा जे बधियै 2 लक्ख 88 ज्हार 422 करोड़ होई गेदा ऐ। सरकार दी माली प्रबंधन नीति दी हिमायत करदे होई उमर होरें आखेया जे सकल प्रदेश घरेलू उत्पाद GSDP च होए दे बाददे नै जी.एस.डी.पी. दे मकाबले दोआर गी घटाइयै 48 प्रतिशत करी दिता ऐ ते छड़ा इक बरे पैहले

एह दोआर-देनदारी जी.एस.डी.पी. 51 प्रतिशत ही। कल विधानसभा च इक लिखित परते च उ'नें पिछले 6 बरे च केन्द्र शासत प्रदेश दे दोआर ते सकल प्रदेश घरेलू उत्पाद दे अनुपात गी तफसील च दस्सेया।



Ramzan Greetings

अज्ज रमज़ान दा पवित्र म्हीना शुरु होई गया ऐ। उपराज्यपाल मनोज सिन्हा- मुखमंत्रि उमर अब्दुल्ला- उपमुखमंत्रि सुरिन्दर चौधरी ते हो'र केई मंत्रियें ते सियासी लीडरें पवित्र रमज़ान दे शुरु होने पर जम्मू-कश्मीर दे लोकें गी ममारकबाद दिती ऐ। अपने ममारकी सनेए च एल.जी हो'रें मेद प्रगट कीती जे रोजें दा पवित्र म्हीना सब्भनें लेई खुशहाली, सोहार्द, सदभाव, आपसी प्रेम ते दया भावना दी सौगात लेइयें औग। मुखमंत्रि हो'रें अपने सनेए च रमज़ान दे अध्यात्मिक महत्व गी उजागर कीता- जेहड़ा आत्म अनुशासन- हमदर्दी ते आत्मविश्लेषण पर आधारित ऐ त माहनु गी सब्र-हमदर्दी ते दुए प्रति दया दी भावना रक्खने लेई प्रेरत करदा ऐ। उपमुखमंत्रि सुरिन्दर चौधरी- मंत्री स्कीना इत्तू- जावेद राणा ते सतीश शर्मा हो'रें बी इस मौके सब्भनें गी ममारकबाद दिंदे हो'ई सब्भनें लेई सुख, शांति, समृद्धि ते खुशहाली दी कामना कीती ऐ।



Ramzan Shopping (Byte)

कल रोजें दा चन्न लब्भने दे बाद रमज़ान दी घोषणा दे कन्ने गे लोकें च खुशी दी लहर द्रौड़ी पेई ते लोकें इक-दुए गी रमज़ान दी ममारक देना शुरु करी दिता। एहदे कन्ने गे बजारें च बी रोजें दियें तयारियें लेई चैहल-पैहल तेज होई गेई। मुस्लिम समुदाय दे लोक टकोहदा करियें रोजेदारें च बड़ा मता उत्साह ऐ- जेहड़े महीने भर चलने आहले इस पर्व लेई खरीददारी करै करदे न। रमज़ान दौरान रोजेदार हर रोज पूरा दिन निरजल वर्त रक्खदे न- पर बड्डलै लौऽ होने कोला पैहले सरगी खंदे ते शामी'लै वर्त पोआरने दे समें इफ्तारी दे रुपे च खजूरा- सुक्के मेवे ते विशेष पकवान बी खंदे न- जेहदे चलदे झाई फूड आहलियें हट्टियें पर बी मता रश दिक्खने गी लब्बै करदा ऐ। दकानदारें दा आक्खना ऐ



SVEEP –Ramban (Byte)

जिला प्रशासन रामबन आसेया SVEEP तैहत लोकें गी मतदान बारे जागरुक करने लेई कार्यक्रम दा सरिस्ता कीता गया। एदा मकसद चुनाएं च लोकें दी शमूलियत गी बदाना ते मतदान प्रति लोकें गी जागरुक करना ऐ। कार्यक्रम दौरान जंगलात मैहकमा रामबन आसेया बी इक स्टाल लाया गेदा हा, तां जे लोकें गी जंगलें दे महत्व बारे जानकार बनाया जाई सकै। इस मौके लोकें च बूहटें बी बंडे गे। एहदा मकसद ग्रीन स्वीप ते पर्यावरण अनुकूल चुना आहले जत्न बारे लोकें गी जानकारी बनाना हा। इस बारे होर मती जानकारी दिते होई Divisional Forest Officer Ramban Jagal Kishore Gupta होरें आखेया



Satish –Heritage (Byte)

खेड्ड मंत्री सतीश शर्मा होरें कुसै बी समाज दे बढोने-मठोने पर इतिहास, विरासत ते सांस्कृतिक मुल्लें दी सांभ-संभाल दी महता गी उजागर कीता। सरकारी श्री रणवीर मॉडल हायर सकेन्डी स्कूल परेड जम्मू दी सालाना स्कूल पत्रिका Dharohar गी जारी करने लेई लोआए गेदे इक कार्यक्रम गी सम्बोधित करदे होई उनें एह गल्ल आकखी। उनें आखेया जे इतिहास, विरासत ते मुल्लें कदरां कुसै बी समाज लेई बुनियाद हुंदियां न ते इंदी सांभ-संभाल, राकखी -हिफाजत करना, औने आहली पीढ़ियें लेई अत्त लाजमी ऐ। मंत्री होरें जोर देइयें आखेया जे शैक्षणिक इदारें, सांस्कृतिक समझ ओदे प्रति लगाव गी अग्वे लेई जाने, ओदे प्रति युवा बच्चें दे मनै च छवि बनाने, जां ओदे बारे उन्दी समझ बनाने च महत्वै आहली भूमिका निभाई सकदे न। उनें आकखेया



Rafting Championship

6मीं राष्ट्रीय Rafting प्रतियोगिता डोडा द Shibnote थाहर अज्जै थमां शुरू होआ रदी ऐ ते एह प्रतियोगिता 22 फरवरी तगर जारी रौहग। आकाशवाणी जम्मू संवाददाता दी रिपोर्ट मुजब प्रशासन आस्सेया 4 रोजा इस राष्ट्रीय कार्यक्रम लेई लोडचदे सुरक्षा सनें होर दुए सारे बंदोबस्त कीते गेदे न। एदा सरिस्ता जम्मू-कश्मीर सैलसफा मैहकमे ते जिला प्रशासन डोडा द सहयोग कन्ने कीता जा'रदा ऐ। इस प्रतियोगिता च केई सारियां टीम हिस्सा लै'रदियां न। एदा मकसद जम्मू-कश्मीर दी सहासिक सैलसफा समर्थ गी दर्शाना ते खिते दी पानी आहली खेड्डें च समर्थ गी उजागर करना ऐ।



Underground Cabling (Byte)

स्मार्ट सिटी जल्न तैहत National Thermal Power Corporation आसेया जमीन हेठ तारें गी बछाने दा कम्म कीता जा'रदा ऐ, तां जे शैहरें दी सुंदरता ते छलैपे गी बढाया जाई सकै। एहदे कन्नो-कन्नी बिजली दी होर बेहतर सप्लाई यकीनी बनी सकै। मीडिया कर्मियें कन्ने गल्ल करदे होई Jammu Power Distribution Corporation Ltd. JPDCL दे MD गुरपाल सिंह होरें आकखेया जे एदे कन्ने केई सारी समस्याएं दा हल होग ते बंड सरिस्तें गी मजबूती थहोग। उनें आखेया



JMC -Sanitation Drive

जम्मू नगर-निगम दे कमीशनर डाक्टर देवांश यादव होरें कल जम्मू शैहरा दी वार्ड नम्बर 49 ते 74 दा व्यापक दौरा लाया- जिंदे च नरवाल- भठिंडी- सुंजवा- चौआदी ते आहले-दोआले दे इलाकें औंदे न ते उत्थे साफ-सफाई दी स्थिति दी समीक्षा कीती। इस दरान दकानदारें आसेया हट्टियें दे बाहर रस्ते च रक्खे गेदे समेयान गी हटाया गया। देवांश यादव होरें इनें इलाकें दियें सिडकें- गैलियें-

नालिये ते होरने सार्वजनिक थाहरे पर स्वच्छता दा मुआयना कीता ते एहदे इलावा उने उत्थे चलाऱदे विकास कम्मे दा बी निरीक्षण कीता। इस दरान मीडिया आहले कन्ने गल्ल करदे होई- उने आखेया जे साफ-सफाई बनाई रक्खने- नियमित तौरा पर कूड़ा चुक्कने ते नालियां साफ करने दा कम्म यकीनी बनाया जाहगा। उने आखेया



Read by : **Jagmohan Sharma and Shruti Khajuria**
D.E.O : **Rajni Devi**
Skilled : **Rajat Paul**
Editor : **Kunal Shrivatsa**